



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXII. Gregorii Papae I. Ad Ioannem Episcopvm Syracusanvm. De
querimonia Leontii contra Leonem episcopum.

urn:nbn:de:hbz:466:1-15221

mercedem recipere valeatis, & nos pro gloriæ vestræ vita omnipotentis Dei misericordiam exorare enixius inuite-
mur. De capitulo autem de quo mihi lator præsentium est locutus, vel reuerendissimus frater noster Ioannes epi-
scopus scripsit, interim vel tentari vel agi nil potuit: quia
persona apud quam agi poterat, necdum est in potestate aliqua confirmata.

EPISTOLA XXI.

GREGORII PAPÆ I.

AD LIBERTINVM CIRIDANVM.

Romanum defensorem commendat.

Gregorius Libertino Cridano.

GLORIÆ vestræ bonitas, nuntio veraci diffusa, tantam nobis de se certitudinem præbet, vt in nullo de ea dif-
fidere, sed magis sicut reuera sapienti filio ecclesiæ nostræ debeamus specialiter causam commendare. Et ideo Ro-
manum defensorem nostrum præsentium portitorem, ad gubernationem patrimonii ecclesiæ nostræ in Catanensi-
bus ac Syracusanis partibus constituti, Deo protegente transmisimus. Salutantes igitur paterna dilectione glo-
riam vestram, petimus vt in cunctis affectum vestræ cari-
tatis inueniat, & fauoris vestri solatiis quocumque nece-
sse fuerit potiatur: vt vobis præsentibus nos absentes esse non sentiat; quatenus cum iniuncta sibi salubriter vestra ope expleuerit, & nos vobis gratiarum possimus existere debitores, & beatus Petrus apostolorum princeps, in cuius causis vos impenditis, hic vobis & in futuro compenset.

EPISTOLA XXII.

GREGORII PAPÆ I.

AD IOANNEM EPISCOPVM SYRACVSANVM.

De querimonia Leontii contra Leonem episcopum.

Gregorius Ioanni episcopo Syracusano.

FILIVS noster gloriosus vir Leontius exconsul de fra-
tre & coepiscopo nostro Leone grauter est questus,
nosque eius querela omnimodo turbauit: quia ita præci-
pitanter & leuiter ab episcopo agi non debuit. Quam cau-

sam subtiliter exequendam venienti Romano defensori commisimus. De vestra autem fraternitate is qui ab eo directus est queritur, quod Marchilai viri clarissimi medici defensione fratris & coepiscopi nostri Domitiani metropolitæ vtilitas grauetur. Et quidem tueri iuste filios suos, vel, sicut est forte, sanctæ ecclesiæ negotia fraternitas vestra debet, & nullam occasionem dare aduersariis maledicti gratia. Quod tamen vos per omnia custodire etiam ista loquendo non ambigo: eidem tamen Romano venienti etiam de hac causa iniunximus, ut vobis cum debeat quæ sunt recta disponere.

EPISTOLA XXIII.

GREGORII PAPÆ I.

AD ROMANVM DEFENSOREM.

De Stephania & Calixeno filio eius.

Gregorius Romano defensori.

QVAM QVAM ea quæ ad ecclesiæ iura perueniunt alienari legis ratio non permittat, temperanda tamen interdum est censura distictionis, vbi misericordiæ respectus inuitat: maxime quando tanta est quantitas, quæ ne dantem onerat, & accipientis pauperiem iuxta aliquid consolatur. Et ideo quia Stephania præsentium latrix cum Calixeno filio suo parvulo, quem de Petro quondam viro suo se suscepisse & nimia asserit pauperie laborasse, huc veniens assidua obsecratione & lacrymis a nobis exegit, ut domum possessionis in ciuitate Catanensis, quam Ammonia quondam fucus eius ecclesiæ nostræ titulo donationis obtulerat, eidem Calixeno restitui faceremus, memoratam Ammoniam asserens alienandi eam non habere licentiam, sed antefati Calixeni filii sui per omnia iuris esse. Cui rei dilectissimus filius noster Cyprianus diaconus, qui causam cognitam habuit, contradictor extitit, inquiens quod prædictæ mulieris querimonia non haberet iustitiam, nec posset rationabiliter ad filii sui nomen domum ipsam vendicare siue repetere. Sed ne superscriptæ mulieris lacrymas inanes relinquere, & plus sequi rigoris viam quam causas videamus pietatis complecti, hac tibi præceptione mandamus, ut memoratam domum